



Iñaki Goenaga-Zentro Teknologikoen Fundazioa

ETORTEK NAZIOARTEKO ESPEZIALIZAZIORAKO LAGUNTZA-PROGRAMA IV DEIALDIA

DEIALDIAREN OINARRIAK

1. PROGRAMAREN HELBURUA

Deialdi honen helburua da Euskal Autonomia Erkidegoko Ikerketa Estrategikoaren alorretan ikertzaileen espezializazioa bultzatzeko Laguntza Programak ematea, eta hori atzerriko Unibertsitateetan edo Zentro Teknologikoetan egonaldiak eginez eta, ondoren, Euskal Autonomia Erkidegoko Ikerketa Kooperatiboko Zentroekin eta Programa Estrategikoekin elkartutako erakundeetan.

2. ONURADUNAK

- Espediente akademiko bikaina duten goi mailako unibertsitate-tituludunak.

3. PROGRAMAREN EZAUGARRIAK

- 3.1. Iraupena:** Laguntza Programaren iraupena **gehienez lau urtekoa** izango da. Lehen aldi bat, urte bat edo bikoia, beka egoeran, atzerriko Zentro Hartzaile batean; eta bigarren aldi bat, urte bat edo bikoia, kontratuarekin, EAEⁿ Atxikitako Zentro batean. Inola ere ez da iraupena 4 urte baino gehiagokoa izango.
- Beka-egoerak irauten duen bitartean, onuradunak doktore-titulua lortuko balu, egoera doktoreek dutenaren parekoa bihurtuko litzateke, 3.2. puntuazalduko den bezala.

Programa bakoitzaren iraupen zehatza bere informazio-fitxan jasotakoa izango da, eta hori Fundazioaren web gunean (www.fundacioncentrostecnologicos.org) ikus dezakete hautagaiek, eskabidea egin aurretik.

Fundazioak Programa bakoitzaren garapena eta dagokion proiektuaren marxa ebaluatuko du, aurrera jarraitu ala ez aztertzeko.

- 3.2. Diru-kopurua:** Hileko diru-kopuru gordina **atzerrian** egingo den **beka-aldian 2.083,33 €-koa** izango da.

Hasierako denboraldia bukatu eta **EAEn** Atxikitako Zentrora itzultzen denean, onuradunak eta Zentroak **lan-kontratua** egingo dute, eta Zentro horretan aplikatzen den ordainsaria kobratuko du.

Doktore titulua duten onuradunak

Urtarrilaren 27ko 63/2006 Errege Dekretuak (Prestatzen ari diren Ikertzaileen Estatutua onartzen duenak) Xedapen Gehigarrian ezartzen duenaren arabera, **doktore titulua** duten onuradunek Atxikitako Zentroak kontratatuta egingo dute Espezializazio Programa.

Espezializazio Planean finkatuko den atzerriko denboraldian, onuraduna atzerriko zentro batera joango da, Atxikitako Zentroan aplikatzen den ordainsari berbera izango duelarik.

Atzerriko egonaldi hori bukatuta, onuradunak Atxikitako Zentrora itzuli behar du eta, Programa bukatu arte geratzen zaizkion urteetan, Zentro horretan aplikatzen den ordainsaria hartuko du.

3.3. Beste gastu batzuk: Beka-aldian eta onuradunak aurrez zuritu edo justifikatuta, urtean ondorengo kopuruak jaso ditzake gastuetarako (1):

- 2.500 €-taraino, bidaietarako.
- 5.000 €-taraino, gastu akademikoetarako

Kontratu-aldian eta onuradunak aurrez zuritu edo justifikatuta, Atxikitako Zentroan aplikatzen diren gastu-ordainak jaso ditzake.

(1) Atxikitako Zentroak finkatuko ditu gastuetan sartuko diren kontzeptuak.

3.4 Asegurua: Onuradunei Istripu Asegurua eta Bidaian Multiasistentziako Asegurua egingo zaie atzerrian dauden denboraldirako.

3.4. Hasteko datak: 2008ko urriaren 20tik 2009ko apirilaren 20ra.

4. ESKABIDEAK AURKEZTEA

4.1 Aurkezpena: Fundazioaren web guneko Eskabide Orriaren bidez egin behar dira eskabideak (www.fundacioncentrostecnologicos.org),

4.2 Datak: Eskabideak 2008ko ekainaren 27tik uztailearen 29ra (bukaera 12.00etan) egin behar dira.

4.3 Baldintzak: Laguntza eskatzeko Goi mailako unibertsitate-titulua behar da, eta Ingeniaritzen kasuan Ikasketa Bukaerako Proiektua amaituta izatea.

4.4. Hizkuntzak: Eskabideak gaztelaniaz, euskaraz edo ingelesez aurkez daitezke.

5. HAUTAKETA-PROZESUA ETA LAGUNTZAK JAKINARAZTEA

5.1 Hautaketarako irizpideak

Fundazioak Epaimahai Kalifikatzailea izendatuko du Laguntza Programak emateko.

Eskabideen lehenengo balioespena irizpide hauen arabera egingo da:

- Espediente akademikoa

Hautaketa-prozesuaren **lehenengo fase** hau Fundazioaren web guneko Eskabide Orrian eskatzaileak emandako informazioaren arabera bakarrik egingo da. Gero, agiri bidez frogatu beharko du emandako informazio guztia egiazkoa dela.

Atzerriko titulazioek Estatuko titulazioekin duten baliokidetasuna Fundazioak ebaluatuko du.

Hautaketa-prozesuaren **bigarren fasea** elkarrizketa pertsonal bidez egingo da, eta hor, besteak beste, ondorengoak balioetsiko dira:

- Ikerkuntzan esperientzia
- Hizkuntzak jakitea
- Ikasketak-bukaerako proiektuaren gaia, egindako lan teknikoak, ikasketak eta eskatzaileak aurkezten duen beste edozein meritua.
- Norberaren gaitasunak.

5.2 Jakinaraztea eta Argitaratzea

Laguntza Programak elkarrizketak egindakoen artean banatuko dira. Elkarrizketa egin bai baina laguntzarik eman ez zaienak ordezkoen zerrendan sartuko dira. Emandako Laguntza Programak gauzatu gabe geratzen badira, Fundazioak beste onuradun bat izenda dezake ordezko gisa daudenen artean.

Hautaketa-prozesu osoan zehar, bere martxaren berri posta elektronikoaren bidez izango dute eskatzaileek.

Laguntza Programaren emate ofiziala posta elektronikoz jakinaraziko die onuradunei Iñaki Goenaga—Zentro Teknologikoen Fundazioak, eta deialdi honen emaitzak bere web gunean emango ditu argitara.

Laguntza Programaren bat eman gabe geratzen bada, edo deitutako Programetan aldaketarik gertatzen bada, egoki iruditzen zaizkion erabakiak hartzeko eskubidea du Fundazioak, betiere deialdi honen atzean dagoen espirituaren arabera.

6. GOZAMEN-BALDINTZAK

6.1 Legeria. Deialdi honi orokorrean **ez** zaio aplikatuko urtarrilaren 27ko 63/2006 Errege Dekretuak ezartzen duena. Bai, ordea, Dekretu horren Seigarren Xedapen Gehigarria, non esaten baita doktore titulua duten onuradunak kontrata ditzakeela Atxikitako Zentroak.

6.2 Baldintzak: Onuraduna Programa garatzeko Atxikitako Zentroan sartzen denean hasiko da Laguntza Programaz gozatzen ere; ezarritako programa burutzerak konprometituko da onuraduna eta Atxikitako Zentroko arauak betetzera beti, probetxu ona izan dezan beharrezko diren jarrera eta interesarekin.

Onuradunak Programa-zuzendaria izango du, Atxikitako Zentroak izendatua, eta berak zuzenduko du prestakuntza edo trebakuntza; horretaz aparte, Fundazioak onuradunaren jardueraren gainean kontrol orokorra izango du une oro.

Laguntza Programa hauek ez dute inolako lan-harremanik ezartzen onuradunaren eta Iñaki Goenaga-Zentro Teknologikoen Fundazioaren edo Atxikitako Zentroaren artean. Halaber, Zentro horrek ez du inolako konpromisorik etorkizunean onuraduna bere langile gisa hartzeko ere.

Hori guztia deialdi honetan finkaturiko kontratazio-kasuak gorabehera.

Laguntza Programa honen gozamenaldian ezingo da beste laguntzarik, ordainsaririk edo ordainik hartu bere edo besteren kontura zerbitzuak emateagatik.

Programa betetzen ez bada, Fundazioak eskubidea izango du emandako diru-kopuruak itzultzea eskatzeko.

Fundazioak eskubidea izango du, urteko edozein unetan, onuradunaren jardueraz txostena eskatzeko berari edo Atxikitako Zentroari. Txosten hori ez bada aurkezten edota aurkeztutakoaz Fundazioak ebaluazio negatiboa egiten badu, Laguntza Programa eten egin daiteke berehala. Erabaki horrek motibatua beharko du izan.

Laguntza Programa betiko edota aldi baterako eteteke zio edo motiboak honako hauek izan daitezke:

- Programaren prestakuntza-helburuak lortzeko ezintasuna.
- Programari probetxurik ez ateratzea era nabarmenean.
- Diziplinari eza.
- Tresneria eta materialak behar bezala ez erabiltzea.
- Atxikitako Zentroko arauetako begirunerik eza.
- Isilpekotasunik eza.
- Diziplinarioki tipifikaturiko egitateak egitea kontratazio-denboran.

6.2 Eskubideak eta Betebeharrak: Onuradunek ondorengo eskubide eta betebeharrak izango dituzte:

- Programa garatzeagatik, deialdi honen oinarrietan ezarritako diru-kopurua hartuko dute.
- Istripu Asegurua eta Bidaian Multiasistentziako Asegurua izango dute.
- Programaren edukiaz gain, prestakuntza gehigarria hartzeko aukera izango dute, beren jardueraz zertzen ari diren Atxikitako Zentroko arauen arabera.

- Fundazioaren Idazkaritza Teknikoa onuradunen esanetara izango da beti, eskatzen diotenari erantzuteko.
- Beren jarduera zertzen ari diren Atxikitako Zentroko barne-araudia bete beharko dute.
- Jabetza Intelektualaren Legearen testu bateginak (apirilaren 12ko 1/1996 Errege Dekretu Legegile bidez onartuak) ezartzen duenaren arabera, onuradunari dagozkio ikerketako prestakuntza-jardueratik eratorritako jabetza intelektualaren eskubideak, bere ekarpenaren arabera. Eskubide horiek independente, bateragarri eta metagarriak izango dira egindako ikerketatik erator daitezkeen beste eskubide batzuekin, aparte utzita, onuradunak ikerketako talde-proiektu batean parte hartzen duenean, talde-lanak berekin dituen baldintza edo mugak.
- Isilpekotasunik zorrotzena izan behar dute ikerketa edo azterketa-gaiei buruz, bai Laguntza Programaren gozamen-aldian eta bai bukatu ondoren, eta Atxikitako Zentroaren berariazko baimena beharko dute horiek erabiltzeko edo/eta beste batzuei jakinarazteko.
- Laguntza Programa bukatzean, beren lan-egoeraren berri eman beharko diote Fundazioari.

Ikerketa dela-eta egindako argitalpen orotan, Iñaki Goenaga-Zentro Teknologikoen Fundazioa aipatu behar da. Argitalpenaren kopia bat Fundazioari bidali behar zaio.

Programa oso-osorik era gogobetegarrian betetzen dutenei hori frogatzen duen Diploma emango die Fundazioak.

7. BESTE BALDINTZA BATZUK

Laguntza Programa eskatze hutsak esan nahi du Oinarri hauek onartzen direla, eta Iñaki Goenaga-Zentro Teknologikoen Fundazioak erabakiko ditu sortzen diren zalantza eta gorabeherak.

Fundazioak eskubidea izango du bidezko iruditzen zaizkion aldaketak egiteko "ETORTEK - Nazioarteko Espezializaziorako Laguntza Programako" IV. Deialdiaren oinarri hauetan.

Laguntza Programak eskatzen dituztenek beren adostasuna ematen diote Fundazioari emandako datuak jakinaraz diezazkien deialdi honetan Programak sartu dituzten Zientzia, Teknologia eta Berrikuntzaren Euskal Sareko Eragileei, hautaketa-prozesua egiteko helburuarekin.

Halaber, Laguntza Programa baten onuradunek espresuki onartzen dute beren izen-deiturak onuradunen zerrendan agertzea eta Fundazioaren web gunean argitaratzea.

8. ZEIN ERAKUNDETAN GARATUKO DEN PROGRAMA

• Erakunde Sustatzailea

Iñaki Goenaga-Zentro Teknologikoen Fundazioak deituriko Laguntza Programa hauetako bakoitza Ikerketa Zentro Kooperatibo (CIC) batek sustatuko du. Oraindik CIC

bezala eratuta ez dauden Programa Estrategikoen kasuan, erakunde sustatzailea Programa bera izango da.

- **Atzerriko Zentro Hartzailea**

Lehenengo aldia —urte bat edo bi atzerrian beka egoeran—, programa honek lortu nahi duen goi mailako espezializaziorako Laguntzaren Sustatzaileari eta Fundazioari egokia iruditzen zaien Unibertsitate, Ikerketa Zentro edo Erakunde batean egingo da.

- **Atxikitako Zentroa**

Gero urte bateko edo biko kontratuaz egingo den aldia EAEn Atxikitako Zentroan egingo da, eta honelako bat izan daiteke:

- (a) Ikerketa Zentro Kooperatibo (CIC) bat, Zientzia, Teknologia eta Berrikuntzako Euskal Sarean eratua eta erregistratua baldin badago;
- (b) CIC horietan elkartutako erakundeetako edozeinetan;
- (c) Ikerketa Estrategikoko Programetan elkartutako erakundeetako edozeinetan.

9. INFORMAZIOA

- Iñaki Goenaga-Zentro Teknologikoen Fundazioan (Tel. 94 420 94 88)
- Web gune honetan: www.fundacioncentrostecnologicos.org